



Sekitar Perhimpunan Agung UMNO Ke-33

2

Bagi memelihara kesucian agama Islam, mengelakkan perpecahan umat

Akta baru perlu digubal

Peristiwa yang berlaku seperti kafir mengkafir, dua imam satu masjid semakin serius kini

KUALA LUMPUR, Sabtu — Kerajaan didesak menggubal akta memelihara kesucian agama Islam dan mengawal nilai-nilai Islam seti tidak diperalatkan oleh pihak-pihak tertentu.

Wakil UMNO Bahagian Besut, Enick Safel Daud, ketika membentangkan usul itu di Perhimpunan Agung UMNO Malaysia menegaskan:

"Langkah ini perlu bagi mengelakkan perpecahan sesama umat Islam di negara ini supaya kekuatan masyarakat dan ketahanan negara lebih terjamin."

Genggubalan akta ini, kata beliau, tidak perlu ditangguhkan lagi. "Peristiwa-peristiwa yang

berlaku sekarang seperti kafir mengkafir, dua imam satu masjid, dua tanah perkuburan satu kampung dan sebagainya adalah semakin serius," jeralasnya.

Enick Safel juga mengemukakan sikap setengah pemimpin PAS memutar-belitkan maksud-maksud ayat suci al-Quran dan Hadis Rasulullah s.a.w. untuk kepentingan politik mereka.

PAS menghukum orang lain, menduduki kerajaan yang memerintah sekarang sebagai kafir dan menubuh setengah pemimpin UMNO munafik, perlu diselesaikan dan diambil tindakan

segera," ujar beliau lagi. Kerajaan, katanya, perlu mengkaji dan menyalasat kejadian-kejadian yang berlaku di Besut, Terengganu yang mana PAS sewenang-wangnya mencemarkan kesucian agama Islam.

"PAS terus menghasut supaya pulau memulau tempat ibadat diteruskan walaupun siaran-siaran rasmi mengutuk perbuatan itu dikeluarkan," katanya.

Hingga kini, jelas beliau, PAS masih terus berlawan sembahyang Jumaat di tiga Kelab PAS dan tiga surau di Besut dan empat surau di daerah-daerah lain di Terengganu.

"Mereka berlawan

mendirikan sembahyang Jumaat dua imam di Jabl, Kampung Buluh, Kampung Padang Lundak, Bukit Payung, Banggal dan Padang Bual — kesemuanya di daerah Besut, di Cendering (Kuala Terengganu), Langgar (Ulu Terengganu) dan Pengkalan Berangan (Marang).

"Di masjid Alur Limbat di Kuala Terengganu, sembahyang Magrib dan Isyak dua imam serentak, masih terus berlaku," tegasnya.

Enick Safel menegaskan, PAS adalah musuh seluruh umat Islam di negara ini. "Mereka merosakkan akidah ibadat dan menimbulkan perpecahan yang hebat

hingga mengancam keselamatan dalam negeri," tegasnya.

Beliau menifatkan, melawan kedegilan PAS ini adalah cabaran kepada pucuk pimpinan UMNO dan Kerajaan Bersih, Cekap dan Amanah (BCA).

"Apa ertinya slogan BCA, jika musuh dalam selimut terus menceroboh kesucian agama dan menjadi petualang ekonomi," ujarnya.

Kini, jelasnya, tindak tanduk PAS itu mulai menjalar ke Kedah, Pahang dan beberapa negeri di pantai barat Semenanjung. "Perkara ini tidak harus dibiarkan bermaharajalela."

Beliau berkata, jika kerajaan tidak bertindak menghukum, orang akan terus mengangap pimpinan negara sekarang yang bersalah. Sebaliknya mereka pula mendakwa mengikut Islam dalam ertikata sebenar.



WAJAH-WAJAH di dalam gambar ini tentunya berbagai. Ada yang begitu serius. Ada yang ketawa keriang. Ada yang termenung memikirkan sesuatu.

Tetapi, yang jelasnya, ketiga-tiga wajah tokoh di hadapan sekali kelihatan begitu khusyuk seperti ada sesuatu perkara yang kurang menyenangkan.

Setiusaha Agung UMNO, Datuk Mustaffa Jabar, memegang dahi

membicarakan sesuatu dengan Presiden UMNO, Datuk Seri Dr. Mahathir Mohamad, yang begitu khusyuk pula mendengar dan meneliti sesuatu.

Timbalan Presiden UMNO, Datuk Musa Hitam tidak kurang juga berminat dalam perkara yang dibincangkan itu. Apakah perkaraunya?

Demikian, antara detik-detik yang sempat dirakamkan di Perhimpunan Agung UMNO, semalam. — Foto: YUSUF OMAR.

No. Siri 2965
No. Penerimaan 710/85